

V E N D I M
Nr.310, datë 15.5.2003

**PËR MIRATIMIN E STRUKTURËS E TË NIVELEVE TË PAGAVE TË PUNONJËSVE TË
AGJENCISË KOMBËTARE TË ENERGJISË DHE PËR DISA NDRYSHIME NË
VENDIMET NR.726, DATË 21.12.2000 DHE NR.443, DATË 16.7.1998 TË KËSHILLIT TË
MINISTRAVE**

Në mbështetje të nenit 100 të Kushtetutës dhe të neneve 2 e 5 të ligjit nr.8487, datë 13.5.1999 “Për kompetencat për caktimin e pagave të punës”, me propozimin e Ministrit të Industrisë dhe të Energjetikës dhe të Ministrit të Punës dhe të Çështjeve Sociale, Këshilli i Ministrave

V E N D O S I :

1. Struktura dhe nivelet e pagave për pozicionet “kryetar”, “nënkryetar”, “përgjegjës departamenti”, “përgjegjës sektori” dhe “specialist i parë e i dytë” në Agjencinë Kombëtare të Energjisë të caktohen sipas lidhjes nr.1, që i bashkëlidhet këtij vendimi.

2. Paga e grupit (kolona 1) e lidhjes 1 – diplomë e shkollës së lartë – është 9000 (nëntë mijë) lekë.

3. Shtesa për vjetërsi në punë (kolona 2) jepet në masën 2% pas çdo viti pune, deri në 25 vjet dhe llogaritet mbi pagën e grupit.

4. Shtesa për kualifikim (kolona 3) është 0.

5. Shtesa për pozicion është sipas kolonës 4 të lidhjes nr.1.

6. Paga për punonjësit e tjerë të Agjencisë Kombëtare të Energjisë të caktohet sipas lidhjes II/5, “Niveli i pagave për punonjësit e ministrave dhe institucioneve të tjera qendrore”, i vendimit nr.726, datë 21.12.2000 të Këshillit të Ministrave “Për pagat e punonjësve të institucioneve buxhetore”, ndryshuar me vendimet përkatëse.

7. Në vendimin nr.726, datë 21.12.2000 të Këshillit të Ministrave, bëhen këto ndryshime:

a) Në Lidhjen nr.1 “Renditja e funksioneve sipas klasifikimit”, në klasifikimin A12, emërtimi “Kryetar i Agjencisë Kombëtare të Energjisë”, shfuqizohet.

b) Lidhja II/14, “Niveli i pagave për punonjësit e Agjencisë Kombëtare të Energjisë”, shfuqizohet.

8. Pika 4 e vendimit nr.443, datë 16.7.1998 të Këshillit të Ministrave “Për krijimin e Agjencisë Kombëtare të Energjisë”, shfuqizohet.

9. Efektet financiare që rrjedhin nga zbatimi i këtij vendimi, të përballohen nga buxheti i vitit 2003, miratuar për Ministrinë e Industrisë dhe të Energjetikës, zëri “Shpenzime”.

10. Ngarkohet Ministria e Industrisë dhe Energjetikës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano

Lidhja nr.1

Struktura dhe nivelet e pagave për punonjësit e Agjencisë Kombëtare të Energjisë

Emërtimi	Paga mujore			
	Paga individuale			Shtesa e pozicionit
	Paga e grupit (PG)	Shtesa për vjetërsi (SHV)	Shtesa për kualifikim (SHK)	Shtesa për pozicion (SHP) lekë
	1	2	3	4

Kryetar	9 000	2%	0	90 000
Nënkryetar	9 000	2%	0	74 000
Përgjegjës departamenti	9 000	2%	0	55 000
Përgjegjës sektori	9 000	2%	0	40 000
Specialist i parë	9 000	2%	0	30 000
Specialist i dytë	9 000	2%	0	20 000